

宋王忠文公全集

呂後學
董史氏
蔡保東
全
指
刊

宋王忠文公文集第三十一卷

知樂清縣事楚南後學唐傳鉉人岸重編

邑後學象山教諭林

培元寵校

古詩七

趙若拙卓爾不群佳公子也痛親不見名堂曰思
諸公爭賦之不鄙予亦以詩命予謂若拙不止乎
思也且能顯之作思堂詩

天下人子皆思親思而顯之能幾人入堂省親親不見
長向羹牆見親面身苟不立名不揚九原何由發幽光
金枝挺挺賢公子風樹興悲思不已口誦孝經第一篇
立身行道期心傳直諒多聞古三益標準宗支名籍籍



前日召還胡不畱一麾出守西南州官職人心所同欲
孝子思親恐親辱不獨思親能顯親孔門曾子君前身
我愧思親未能顯詩作思堂涕徒泣

讀東坡詩

學江西詩者謂蘇不如黃又言韓歐二公詩乃押韻
文耳予雖不曉詩不敢以其說爲然因讀坡詩感而
有作

東坡文章冠天下日月爭光薄風雅誰分宗
派故謗傷蚍蜉撼樹不自量堂堂天人歐陽子
引鞭遜避門下士天昌斯文大才出先生弟子
俱第一天人詩如李謫仙此論最公雖不然詞
無艱深非淺近章成韻盡意不盡

味長何止飛鳥驚臆說紛紛幾元稹

有言歐公詩味短者王介甫云行人

舉頭飛鳥驚之句味亦甚長

渾然天成無斧鑿二百年來無此作誰

與爭先惟大蘇謫仙退之非過呼胸中萬卷古今有筆
下一點塵埃無武庫森然富摛掞利鈍一從人點檢莫
年海上詩更高和陶之詩又過陶地闢天開含萬彙少
陵相逢亦應避北斗以南能幾人大江之西有異議日
光玉潔一退之亦言能文不能詩碑淮頌聖十琴操生
民清廟離騷詞春容大篇騁豪怪韻到窘束尤瑰奇韓
子於詩蓋餘事詩至韓子將何譏文章定價如金玉口
爲輕重專門學向來學者尊西昆詩無老杜文無韓淨
掃書齋拂塵几瓣香敬爲三夫子

甘露堂前有杏花一株在脩竹之外殊有風味用

昌黎韻

桃花未吐梅英空杏花嫣然作小紅孤城絕塞也不惡
一株綽有仙家風高枝半出脩竹外醉臉略與江梅同
夔州花木不多有封植嘉樹知誰功春光忽到刺史宅
天氣正在中和中不同浪蘂落瘴霧自有甘露滋芳叢
我來歲律驚兩換歸興遙指吳江楓曲江往事何足夢
願爲老圃安吾窮明年花開我何處小園數畝簫臺東
蒼蒼烟雨記巫峽酣酣詩句吟梅翁

梅聖俞詩杏花
酣酣春正明

郡圃無海棠買數根植之

少陵詩史有遺闕海棠名花輒

以孤芳千載逢蘇仙

竹籬一笑嫣然發我從蜀錦亭邊來

范文正公守番禺種海棠于郡圃名

亭曰蜀錦遙入蒼蒼烟雨窟綺霞曉抹神女肌香醪春醉明

妃骨鮮鮮絲藻垂更嫋點點燕脂勻未歇半含欲吐不

勝情沐露梳風睡明月爲開酒尊苦多病欲插一枝羞

白髮照眼千株未觀蜀回首十年深憶越

往在會稽訪諸名園海棠

最盛何人好事呼名友姚魏不容矜閹閼

曾端伯十花詞目海棠曰名友

壯丹不與凝香有地胡不植負郭無園何處謁不煩飛鵲銜

子來自買芳根帶花掘明年高堂來燕子想見繁紅映

林樾栽花老守在何許雁蕩山中采薇蕨憑誰爲問花

消息有夢遙驚山突兀自慚不是召伯棠那得詩人歌

勿伐

詩史堂荔枝歌

君不見詩人以來一子美莫年流落來夔子賦詩三百
六十篇西瀼東屯客愁裏何人作堂畫遺像收拾光芒
榜詩史堂前何有有荔枝樹猶未老熟獨遲世人貴早
不貴晚倘非我輩誰賞之涪陵昔遭妃子污萬顆包羞
莫能訴瀘戎一經少陵擘至今傳誦輕紅句少陵傷時
淚成血一點丹心不磨滅散成朱實滿炎方風味如詩
兩奇絕樂天曾畫忠州圖自言香味人間無樂天詩云
嚼疑天上
味嗅異
世間香君謨亦作閩中譜陳紫聲名重南土何如詩史
堂前株正是一飯孤忠餘人爲世重物亦重端如丈人
屋上烏巴圖閩譜合避路奚用品第分錙銖攬先熟者

如楊盧但可與之作前驅閩娘十八婢妾爾將軍大樹
眞傭奴我生四百餘年後來作先生游處守登堂三嘆
荔正丹聊效柳人祠子厚安得先生今復生添賦夔州
歌一首

少陵有夔州歌十首

要使荔枝之名長不朽

詩史堂荔枝晚熟而佳預約同官共賞偶成參差
摘實分餉因誦廬陵先生詩云人生此事尚難必
况欲功名書鼎彛復用前韻以歌之

詩史堂前荔枝晚尤美高壓瀘戎與妃子姓名猶未聞
峽中風味惟應自皮裏試將遠况江瑤柱正似騷人擬
良史我來歎息頤屢支殊方爭獻惟恐遲汝今已晚何
用好不是少陵誰眼之貴妃游魂遭血污五坐悲懷何

以訴惟有雲安再拜人悶解夔州兩絕句

少陵夔州解悶十一絕及

荔枝

遺像空有食不血滿口烟霞明自滅何人種此星

幾終一樹團團味奇絕君不見南賓木蓮有華何足圖

樂天過慮重看無

樂天在忠州畫荔枝木蓮二圖木蓮詩云山中風雨無時節明日重看得

在又不見洛陽牡丹妖艷何必譜六一區區記風土天

生此果更此株夏日之時見子餘趙襄子晝疑炎方張火

傘夕訝庭樹栖赤鳥雙頭瑩若玉一穀細骨輕於錢五

銖陳江閣閱如崔盧茲產於閩必爭驅甜無中邊大勝

蜜醞釀不假蜂爲奴永安宮西郡堂後折簡呼賓老太

守時方炎熱會苦稀事好乖違意徒厚手摘高枝贈丹

實歌和前篇搔白首嗟一會之樂今天亦慳於老朽

制勝樓有元豐間太守王延禧及計臺郡僚過客
唱和詩大書於版歲久字漫命筆吏再書之記以
數語

周室禾黍過者傷漢宮威儀見之喜神州久沒餘楚蜀
太平聲詩存有幾制勝樓頭詩數版仍是元豐舊臣子
體態猶存前輩風氣象如樓頗奇偉人雖不見典刑在
事尚能言文獻是歲月侵尋自渴滅愛禮存羊那忍毀
百年陳迹一旦新不問升沉與工鄙一洗向來官職眼
獨刊無盡張居士

張無盡詩
獨刊石

七夕呈同官

今夕何夕夕云七天孫有巧不願乞舉盃遙指河漢頭

但願歸耕學牽牛我無腹中書可晒亦不晒衣隨俗輩
緱山未訪先祖遊夔門聊與嘉賓會星河動搖三峽流
人間天上同新秋鵲已成橋動歸翮我亦一枝栖可得
時聞易任浙西
遂可還鄉矣

至喜亭

前年泊舟至喜亭舍舟觸霧登山行身到猿啼虎嘯處
至今魂夢中宵驚兩年寒暑此山裏瘴癘侵凌身不死
七月歸舟浮漲江重見茲亭實堪喜世間憂喜無定形
此喜本從憂得名須知既濟有未濟勿謂江流今已平

望石首山

江山遙望疑若無隱隱漸露山規模化作山首安石

不著草木爲肌膚吾鄉石首黃金色五年不見深思憶
山頭有石名偶同長缺空彈不堪食

其二

巴夔之山厭太多荆江其奈無山何舟中遙遙望石首
一點亦足供吟哦艤舟亦向劉郎泝應是劉郎招我宿
劉郎如問舊江山永安宮草年年綠

是夜宿劉郎泝也
以劉元德得名

初欲維舟岳陽樓下適風作遂泊南津

岳陽樓下風波惡過客舟行不容泊遙從湖口入南津
看盡湖山與城郭樓閣崢嶸照眼明君山當面如蓬瀛
雄文誰繼范文正妙曲亦無滕子京

君山形如龍南有一小山如龜

洞庭湖山山絕奇大山如龍小如龜弄珠曳尾自游戲
不肯吹浪如蛟螭岳陽樓前鐵爲械古人欲斷蛟螭害
蛟螭爲害甚巴蛇遺豕猶存足爲戒七百里湖涵太虛
春夏漲溢秋冬枯惟有龜龍長自在不知幾見桑田改

富文送鹿肉

太尉前軍得活鹿

全用來簡七字

使君慇懃分我肉定知應是

素失餘苗裔仍爲世人逐使君好客今平原秋浦樓頭
羅水陸青州從事嘉屢拜白鹿山人賜新沐社風留客
去未得清溪山頭兩經宿頻將口腹溷使君大嚼戲吟
詩一幅

寄林黃中

時黃中泊舟貴池口予泊清溪口東西相去十里

郎星夜照貴池口漸見祥光燭牛斗甘棠遺愛畱潯陽
盡道前無此太守我亦弭楫清溪灘秋風吹浪高於山
與君相去纔咫尺形影隔絕烟波間晨起揚帆欲東去
風伯江神兩俱怒吾儕行止端由天天氣未佳聊且住

六客堂

水晶宮中刺史宅月



堂遊六客中有一客爲主人

萬卷詩書李公擇元



揮玉堂手令舉聲蜚刷科策

五勸使君古遺直三



郎官老詞伯眉山有客何等人

退之少陵李太白直道高才時不容天遣數子爲遊從
吳興清絕山水國五百年過人中龍健峭銀鈎逼顏魯
點化湖山出奇語高壓白蘋洲上詩更肯區區談小杜

端如竹溪逢謫仙並遊逸士名俱傳飄飄乘風鼓長翮
兩兩照坐成台躔茗雪交流下山碧一代名賢已陳迹
我後百年登此堂咀嚼姓名牙頰香坐上何曾欠佳客
蘇仙一去難再得

謁顏魯公祠

下山茗溪高且清魯公祠堂貌如生言言千古英雄在
吉吉一點仙丹成姦臣必欲置之死天下不敢呼其名
當時節義誰可並常山太守公難兄

次韻蔣教授喜雨

雖字元肅

我來遙自東甌東賢非朱邑鄉守桐

泉名桐城

半年爲郡治

亡狀四月不雨心憂農水田龜拆秧已老雲霓望斷天

穹隆少學春秋老無用區區願請應上公真人不待辨

香禱

泉有蔡真人祠水旱必禱

紫帽已有微雲蒙沛然一雨四境足

眼見櫂楫連青空皇天愛民恕守罪有始其賜甯無終
既令地免晉國赤亦不水似堯時洪廣文先生坐絳帳
憂國心與黃堂同揮毫作頌繼吉甫開卷穆穆生清風

病中食火山荔枝

前年夔州食荔枝同僚共賦新紅詩妃子名園世所貴
不似詩史堂前奇去冬分符來南土半月身行荔枝園
三州嘉木皆眼見更閱君謨向來譜臨漳一種名火山
品雖云下熟則先從今漸入荔佳境陳江未擘先流涎
老病餘生怯嘉果日啗那能三百顆慙慙爲破絳紗囊

心火驚添火山火

諸公和詩再用前韻

屏間觀畫頤頻支

州宅有屏風畫荔枝十六種

想像風味哦新詩火

山太早反遭罵

諸公和詩譏罵者

陳紫未顯誰稱奇氣稟南方

君子土不近長安帝王圃安排名字知何人誤與牡丹

同入譜泉南老守思故山荔枝熟我去誰後先但願丁香

一株熟添入藥裹痊痰涎平生夢寐南州果瘦腹如蟬

消幾顆明年何處飮杯盤雁蕩山前月流火

永嘉七月方食荔枝

次韻知宗游二公亭

前日同登二山亭清源入望清更清宗英載酒挾兩客

破暑共作城東行東湖未到聞人說香有荷花如鄭隰

社中未爲三笑游亭上姑尋二公跡啣盃適意論交情
江山照眼增雙明聊效韓公文字飲奚用鼎沸笙篴聲

樸鄉釣隱圖

蔣元叔名所居之地曰樸鄉畫圖見示爲作是詩

君不見少陵先生詩有說淳樸之處山川別廣文示我
樸鄉圖山水高長景奇絕巖坂疑爲子陵隱昆溪想自
崑崙決漁人歛乃山水間抱璞含淳釣清潔九仙高舉
畱遺躅三徑名家出人傑早將樸直取巍科行展樸忠
立奇節鳴琴百里邑旣以樸化民橫經泮水宮又以樸
誨人他年致君堯舜上坐使風俗俱還淳功成名遂却
歸去漁釣重尋舊隱淪廣文笑我言公樸甚我樸聞公
家左原四面擁山岳迴隱如愚溪窈深若盤谷人皆樸

其貌公又樸其學君子以爲古先進於禮樂公鄉真樸
鄉胡爲不自覺願公著隱服歸尋舊盤旋酌酒梅溪上
把釣葦湖邊更畫左原山水圖與此樸鄉圖並傳天下
大樸散已久一鄉猶在羲皇前

八月十五日貢院落成賓僚咸集斥世俗之樂不
用飲文字也把盃邀月誦香滿一輪中句卽席賦
詩以勉多士

揚輝秋月懸青天今夕何夕光更圓瓊爲樓臺玉爲宇
廣寒境界移清泉月斧雲斤天上手萬卷突兀摩星斗
白頭郡守呼衆賓共飲落成文字酒龍虎群仙上界還
手移桂種栽泉山千枝萬枝香不斷人人有分行當攀

姮娥慇懃寄消息科第要從勤苦得丹桂在君書卷中
不須遙向蟾宮覓

貢院圖

廊推陳德溥董貢院之役
既成畫圖見示因作是詩

陳君少年登甲科紅蓮首泛清源波清源貢宇高嵯峨
同僚宣力陳君多鞭朴不施成不日首夏上梁秋半畢
一點靈臺輪奐飛十幅生綃畫圖出蒼蒼嘉木森千株
新堤步步穿芙蓉移下蟾宮古丹桂種飛來海上真蓬
壺他年君來作地主記得親曾視斤斧雁過山中寄我
書要知多少新龍虎

夫子泉

君不見水經品第天下水康王谷中泉第一但知取水

不取人品第未容無得失又不見武昌山中清冷淵名

囚人重逢蘇仙至今人呼作菩薩淪入異教非吾泉刺

桐城中泮宮裏大成殿下新泉水不須更以品第論混

混源流自夫子諸生游泳芹藻間口飲一瓢心慕顏聰

明不數遠公社廬山蓮社有聰明泉清白大勝卧龍山越州卧龍山下有清

白泉范文正公名聖毓尼也家闕里泉脉胡為今在是周流天

下皆美泉浚井得之泉更美我來酌泉仍叩頭遐想洙

泗三千游世間何處有此水此州無愧名泉州

十月二十日買菊一株頗佳置于郡齋松竹之間

目為歲寒三友

三百青錢一株菊移置窗前伴松竹鮮鮮正色傲霜性

不逐重陽上醺醪誰云旣晚何用好端似高人事幽獨
南來何以慰淒涼有此歲寒三友足

重脩北樓十一月望日與郡僚同登因書十二韻
我來未作南諸侯雄文嘗閱龍虎歐泉山風物得大畧
夢寐已先登茲樓到官正要訪遺迹忽見破屋城牆陬
欲修不敢遽土木經歲此志方能酬貢闈之餘材可辦
農事之隙工乃鳩月逢建子飛破鏡酒呼從事來青州
忽忽未暇衆賓集草草且與同僚游山川城郭壯哉郡
清源紫帽明雙眸却驚雲榭在地底坐見日轂經簷頭
西山端可拄頰視南海未用乘桴浮東瞻歸路興元亮
北望魏闕心子牟揮毫欲續仲宣賦假日聊以銷吾憂

諸公和詩復用前韻

欲眠聽詩韓喜侯鋒難與爭劒鑄歐鈴齋淺陋無處著

掛在縹緲之飛樓茲樓久欠詩酒味天遣我輩來遐陬

塵埃聊用文字洗瓦礫遂獲瓊瑤酬賓朋未賞合開燕

老病欲登宜杖鳩清風酌別記雪水湖州有清風樓制勝領客

思夔州夔州有一江明月楚東醉饒州有番陽樓楚東制勝樓

江明月全家終日蓬萊遊會稽有蓬萊閣予爲幕客嘗挈家以遊元微之詩云全家

終日在樓臺南來不謂有此境四顧亦足窮吾眸朝看日出

閩海嶠夜望斗插泉山頭端如號郡風月送退之號州北樓詩

不比巴岳乾坤浮登臨懷古甫白適賦咏聯珠一羣牟

私心竊慕范文正後天下樂先其憂

石筍橋

清源郡城之西有渡名石筍溪與江會險而深涉者
痛之初浮木爲梁屢脩屢壞議更以石費重而役艱
時提刑陳君慨然爲之倡弟賀州叶其謀今樞密
公力助之經始於紹興庚辰訖工於乾道己丑提刑
屢約予觀未果明年春三月辛酉迂客出郊過而觀
之因記以詩

刺桐爲城石爲筍萬壑西來流不盡黃龍窟宅占江頭
呼吸風濤勢湍緊怒潮拍岸鳴霹靂淫潦滔天沒畦畛
行人欲渡無翼飛魚腹蛟涎吁可憫二三大士爲時出
目覩狂瀾心不忍小試閑居濟川手遠水孤舟寇忠愍

亦有山僧願力深

僧文等董其役

解使邦人指倉困五丁挽

石投壑淵萬指孫山登岫嶙辛勤填海效精衛突兀橫

空飛海鬣趾牢千尺鮫人室護以兩旁獅子楯南通百

粵北三吳擔負輿肩走駉牝論功不減商舟楫遺利宜

書漢平準莫將風月比楊州二十四橋真蠹蠹我時出

郊春雨後鷺點沙汀揚鷹隼江亭矯首獨遐觀有客南

來孟共引

是日迂江亭

欲詠河梁擬蘇李頗類鑑湖逢

元稹江山不逢賢太守袖手沉吟覺才窘况無鐵筆擬

端明徒使時人笑蚍蜉綉衣屢約吾來遊未遂堪嗟德

星隕向來嘗以記屬我固避牢辭慚不敏傳聞江欲飛

棟初異論紛紛互矛盾世無剛者橋豈成名與萬安同

不泯

提舶生日

正陽之月慙不作氣候清和滿寥廓階除嘉瑞十莢萸
墻出新梢半含籜正是生才好時節化日舒長暑猶薄
遙遙華胄馬服君世有功勳上臺閣

漢雲臺唐凌州皆有馬氏

象耳

孫挺秀生東蜀骨相堂堂人磊落絳帳心潛南郡風銅
柱家傳伏波畧致身朝列貳稷官銜命江東訪民瘼雍
容敷奏天顏喜小試舶臺良不惡北風航海南風回遠
物來輸商賈樂口邊知己皆達官行矣歸持紫荷橐平
生德性不好飲今日壽觴宜滿酌爛柯仙侶年自長不
用西山一圓藥

郡齋夜坐聞水車聲

風伯吹雲不成雨，稼穡如焚誰守土。
鈴齋夜聞水車聲，還想田間老農苦。
汗流氣喘饑眼花，厭聞窟中鼃打衙。
妻兒相勞忽愁歎，多少高田無水車。

其二

天工欲警老刺史，車聲夜入凝香耳。
四郊苗槁農民悲，萬壑水乾魚鼈死。
守臣失職政事荒，誰遣連年坐黃堂。
自慚不及段文昌，聖世豈有桑弘羊。

得雨復用聞水車韻

蛻骨木龍憂不雨，更喚兩牛眠下土。

農家以架車者爲眠牛

水從

地底飛上田，不減在天行。雨苦庭中忽見天，雨花白衣。

真人游郡衙但願爲霖莫爲潦免使泥陷羸牛車

其二

亢早踰時如魯史一雨已遲淹爾耳農猶滿望苗返魂
車亦收聲魚免死我持酒戒不敢荒急呼一盃飲松堂
不憂猖獗有巢呂只恐沈猶朝飲羊

復安靜堂舊額

端明之孫字子強銀鈎鐵畫傳遺芳昔年作郡古平海
大筆親書安靜堂自從宜和至乾道字與輪奐爭光芒
一朝忽遭俗眼白毀滅姓名深埋藏我來搜訪久乃獲
老兵據爲寢處牀滌除五載塵土面字向堂上增激昂
祖爲第一孫是似書有家法稱莆陽體具萬安頗雄壯

榜與忠獻同翱翔因知文字乃至寶一時之厄庸何傷
石鼓文有鬼神護淮西碑並日月光豈容泯滅暴秦火
誰肯膾炙段文昌書生作郡大迂濶理財聽訟俱非長
吾君若問何以治堂復韓蔡祠秦姜今纔五日京兆耳
眷此陳迹猶未忘但願茲堂日安靜名與國壽俱無疆
司理叔文和過萬橋詩復用前韵

少年一夕九起嗟家貧親老無生涯河東先生獨青眼
慨然許我修通家三十年間同轉首王謝依然作甥舅
時人咸笑孺子貧杜老惟蒙丈人厚罷官閩嶠初歸來
登堂又荷傾金壘詩誦白圭感前事情鍾我輩銜餘哀
定向清朝力求退呼賓剩設嚴冬鱸從公杖屨鹿巖前

明月清風趙歐會

宋王忠文公文集第三十一卷

王忠文公集

卷二十一

七

宋王忠文公文集第三十二卷

知樂清縣事楚南後學唐傳鉉人岸重編

邑後學貢生徐名世匡侯校

律詩 五言一

游簫峯

蠟屐穿雲去山深喜路通人家煙色裏古寺水聲中金
濺星猶在丹成竈已空吹簫人不見臺下想仙風

題雙瀑

瀑水簫峯下靈源不可尋倚天雙寶劍點石萬星金勢
合鯨鯢闕聲聯虎豹吟我來游勝境洗耳聽清音

送劉方淑兼簡全之

相見無多日依然又索居斷魂梅的皪過眼柳蕭疎匹
馬來時路征鴻別後書君歸見溫叟爲我問何如

送陳商霖

相逢猶未欸作別太匆匆日落江東暮人歸冀北空風
塵應暫隔談笑更誰同回首簫峯外明朝我亦東

至樂齋讀書

權門跡不到顏巷自安貧獨與聖賢對更於燈火親夜
觀常及子晝諷直從寅莫恨成名晚詩書不負人

用前韵酬昌齡弟

原憲曾非病陳平豈久貧路遙騏驥困原近鵲鳩親窻
几坐窮夕更籌聽報寅田園勞爾輩媿是素飡人

予拙
於治

生每以田園勞二弟昌齡詩云詩書
滿腸腹應笑帶經人予媿其言故云

先君子去世五十日孤某入四友室觀平生遺迹
哀號痛哭絕而復蘓既而書四十字以寄罔極之
思

先子神何在人亡迹尚存業餘經史案趣寄聖賢尊榻
冷甯欹枕堂虛已蓋棺晨昏徒泣血無路報深恩

乙丑冬罷會與諸友

繆意開家塾微才媿斗筭雖逃有若叱甯免孝先嘲尚
賴知心友能全耐久交殷勤惜別意終日在梅梢

宿黃巖妙智院

問訊開山始于今二百年徑幽微見竹社廢尚遺蓮觀

頌思元老游庵憶舊禪忽忽一宿客未盡滌塵緣院有內照

庵趙清獻作
頌軒名滌慮

過黃巖

三日離家客悠然覺路長梅花十里眼竹葉一杯腸詩
思貪佳境眉頭憶故鄉江山看未足回首隔滄浪

宿慶善寺

剛被篙工誤遲留一日裝川塗隔浩渺燈火亂昏黃呼
僕回行李尋僧宿上方山前十里雪夜入夢魂香

過天台

目逆仙山路丹成未暇躋雪深封佛壠雲暗鎖桃溪流
水無還有亂山高復低欲尋劉阮洞歸路恐成迷

過新昌

杖屨登關嶺山行無住時客情渾在眼鄉思苦關眉石
現金僊像谿蟠阮肇祠越山都幾點收拾上新詩

曹娥廟

慟哭無尋處投江竟得屍風高烈女傳名重外孫碑荒
草沒孤冢洪濤春古祠懷沙爲誰死翻媿是男兒

表叔陳景韶挽詞

問舍求田事元龍意本輕功名孤壯志詩酒送平生李
密傷爲弟劉牢喜有甥毛叔度其甥也詩書已三世二子升
卿

其二

先友嗟無幾公今亦古人平門散車轍蕃榻鎖埃塵
媿韋公厚深知管子貧平生談笑地感激淚沾巾

種蘭有感

芝友產巖壑無人花自芳苗分鄭七穆秀發謝諸郎世
競憐春色人誰賞國香自全幽靜操不采亦何傷

再用前韵

誰擢深林秀遙分奕葉芳秉殊漆上客握擬殿中郎眼
淨見幽韻心清聞遠香當門不及種踐履恐成傷

送黃巖三友

聚散本常理未應輕感傷祇因三益友故斷九回腸子
少才俱美予窮老更忙相將亦行客後會恐參商

別余諧

我昔自總角識君先大夫閨門脩子職鄉里號名儒仁者偶不壽善人宜有孤肯堂能自勉泉下慰榛蕪

別余璧

之子有家學妙齡殊衆兒參乎宜語孝鯉也早聞詩謾習雕虫技終絺吐鳳詞五車書讀盡定有起家期

至剡溪寄夢齡昌齡

歉歲爲行客清秋別故園自從離雁蕩長是念鴒原世路疲來往親闈廢清溫緘書付歸僕銷盡旅中魂

剡溪舟中有感

又作游吳客重登入越船西風桑葉岸細雨菊花天旅

思秋偏惡鄉心夜不眠錢塘江上月行見十分圓

贈萬序

弦誦先間里東平典則存殘膏沾後學餘慶在重孫事
業年方少功名志可吞時人貪擇鬻慎勿爲財婚

予自乙丑冬如臨安赴補逮今凡五往矣是行也
痛慈親之不見傷幼兒之蚤死登途泣然因成是
詩

八歲五行役茲行最感傷思親啼血淚憶子斷剛腸游
遠有遺恨鍾情難遽忘離家兩夜夢長遶白巖旁

宿浮橋

落日丹崖下西江十里西浮橋通古道逆旅傍清溪夜

靜水聲細曉陰山色迷吾鄉在何處天遠白雲低

游明心院

精舍傍脩嶺道心隨眼明泉餘偃公迹

偃公泉

山接剡溪

城無雨竹亦淨有風松更清誰名上方閣撩我欲歸情

宿石佛

七月二十三日回自剡中宿石佛摩雲閣時與謝圖

南童文卿沈齊卿黃庭甫子楊同行周德遠德貽德

廣陳少曾史巖起攜具餞別

脩徑入幽壑梵宮摩碧霄仰頭驚突兀跬步怯岑崟寶
相石間湧鐘聲雲外飄明朝路南去身世各塵囂

孟甲生日

記汝初生際燈花達旦然門闌增喜慶翁嫗最矜憐已
過周天歲行臨志學年勉脩愚魯質詩禮稱家傳

萬府君挽詞 字懋昭予從舅也

東平隱君子當以古人看孝却豺群易恩全雁序難人
如心畫正度勝酒腸寬粲粲三株樹門闌已壯觀

其二

老成嗟不見里巷尚能談衣解因周急簪還務激貪蹶
蹄心不慍折翼淚常含瞑目應無恨聲名與佛叅

其三

吾母昔逃難攜孥依舅船愁多朝暮警恩獨始終全濫
與高門出尤蒙長者憐未能成宅相徒有淚如泉

林府君挽詞

我昔游庠序，夤緣識令孫。雅知苗裔遠，更喜典刑存。俗子猶遷善，偷兒最感恩。佳城明日閉，墮淚滿江村。

萬府君挽詞

字叔永庚子登科

前輩風流久之人，尚典刑。抱才雖涖沒，種德自芬馨。養浩眠龍穴，流光屬鯉庭。鄉評北燕寶，所欠獨年齡。

其二

太學稱多士，奇兒占上游。賢書連得雋，舍選復居優。善教由孤突，興家出萬脩。籃輿游未遂，風樹已蕭飈。

其三

屈指吾鄉黨，如公今幾何。門猶畢萬太，男類陸終多。壯

志埋蒿里幽光發薤歌河梁嗟未就遺恨滿滄波

橫山連氏妻方奉姑甚謹姑死刻木像事之越十年不怠郡守張公子韶下車命諸邑訪孝義予被牒至其家獲觀木像感嘆不已自書四十字時紹興丙子七月十四日也

純孝世稀有事亡人所難堪嘉里曾子况有婦丁蘭守令方尊禮鄉閭競聳觀名將聞帝闕旌表及門闌

春日游西湖 丁丑

山色綠如染湖光青似磨峯高捧日久波闊浸天多瑞氣浮城闕春光醉綺羅能將比西子妙句有東坡

章季子贈端硯

有客贈端紫剛方如正人裔傳家萬石力助筆千鈞磨
鐵嗟吾老著書欣爾新何當與毛穎相約侍嚴宸

萬府君挽詞

詠中

不廢東平業思興畢萬門短檠書自照鐵硯志長存冠
玉貧甯久蘭亭秀更蕃一門今盛大詩禮荷公恩

其二

肯歎儒冠誤長隨舉子忙阿戎成雅志小阮發幽光原
冷鴿猶近椿摧桂始芳老成嗟不見猶記貌堂堂

題瑞巖

雁蕩看不足瑞巖游更貪闢奇雖有媿蘊秀了無慙澗
古水鳴玉寺幽山染藍忽忽一宿去未暇問三三

龍瑞道士贈蘭

有客贈芳友

曾端伯目蘭曰方友

滿堂聞國香清含道流氣輕帶

羽衣黃綴佩風光別橫琴肯趣長重須尋禹穴一曲聽

揚揚

道士善琴

某比緣職事朝拜殯宮瞻望松柏愴然悲涕遂成

小詩

崇觀升平主神游在九霄稽山嗟葬禹寰海痛思堯天上仙宮別人間寶祚遙微臣望松柏魂思黯然銷

和夢齡十月朔日書懷

歲事遽如許玄冥威欲伸地爐猶未火客坐况無茵日

短驚瞻昴天寒怯報寅

予每以五更趨府而性尤怯寒

尤憐對牀弟尚

與短檠親

贈喻叔奇縣尉

叔奇攝職會稽公事之暇必訪僕於民事堂終夕論文欣然相得輒成小詩見意

同舍同年友天資迥不羣詩文侵晉宋兄弟類機雲梅市訪僊侶蘭亭懷右軍

叔奇嘗集蘭亭記作詩五絕

公餘時過我無

酒亦論文

聞禮生日

二月二

桃水仲春月莫階雙莢生添丁慰盧老小子慶徐卿稟得中和氣看成遠大名青春已如許勉力繼家聲

女子生日

五月十二日

吾女何時見薰風欲半時年齡今稍長禮法要須知好
讀班姬誡休吟謝女詩萱堂有慈母淑德可爲師

故參政李公挽詩三首

光字太發

一代高明學三朝骨鯁臣淮南憚長孺楚國忌靈均死
尚憂王室生甯問大鈞姜山同峴首千古淚行人

某比見潘

撫幹言公在謫所及垂死之際所言皆天下大事潘乃公之壻也

其二

方面功尤著朝端氣最剛身能縛元濟城不陷睢陽思
奮少連笏恥同袁盎堂永嘉瞻五馬遺愛可能忘

其三

公在南荒日迹危名愈尊芝蘭坐奇禍瓜葛醞讒言斥

去權臣力生還聖主恩衛公精爽在何用些招魂

顯仁皇后挽詞三首

代安撫王尚書

媽泐嬪天子塗山毓聖人聰明能配獻慈儉繼宣仁湯
沐寧私已園陵不病民鴻休耀彤管無復數娥嬖

其二

八帙年無憾三仁謚有輝

國朝仁宗皇帝宣仁皇后大行皇太后皆謚

瑤池

燕仙侶窆石葬遺衣忽覩龍輶去猶疑駟馭歸聖情哀
不盡淚向禹陵揮

其三

代邸迎歸日炎圖喜中興解將天下養惟有聖人能方
慶朝長樂俄驚望獻陵寢園祇奉處擁紼淚垂膺

胡氏挽詞

婆女人嫁陳氏王尚書弟婦也王作墓志

婆女生賢女端宜配德星登堂飲姑乳調膽教兒經子
舍春猶盛孫枝葉已青韓碑紀遺懿彤管繼芳馨

次韵馮員仲正字湖上有作

甌蜀異鄉客西湖同日看浪花隨去棹風絮逐歸鞍水
浸吳天濶山涵佛界寬春光無限好共媿縛微官

送查元章二首

聖主德寬大小臣言激昂情殊未測淮甸可無防直
氣思開日寒威誤隕霜芳姿等蘭蕙摧折更芬香

其二

肝腦不自愛精忠爲上殫危言犯顏易直道立身難去

國名逾重還家迹始安相將吾亦去林下掛衣冠

秘書省後園脩竹可愛胡正字憲有詩次韵

不俗更嫌俗風枝時拂墻青青映熬燭細細雜芸香勁節老方見清陰寒欲藏蕭疎似吾輩味向靜中長

魏邦式通判挽詞

挺挺魏公後重聞別乘賢有時同正觀無地上凌烟雨足嘉禾穗風清嫠女蓮吟魂招不返遺恨越江邊

其二

耆舊嗟零落公年又不長雙旌空入夢半刺橫罹殃子舍三珠秀吾鄉一鑑亡平生可書字椽筆有星郎

張郎猷作

狀行

趙仲永和胡正字竹詩見贈用韵以酬

憶昔游蓮幕獲登君子墻蓬萊醉秋月龍鳳啜天香
閣子將集山林予欲藏新詩似脩竹風味更高長

張閣學挽詞

宗元

南渡已三紀衣冠今幾存傷心失遺老回首慨中原
去國權臣力全軀聖主恩致君堯舜術妙意託空言

公嘗解二

其二

公在南昌日含沙禍最奇語蜚無限謗獄具不過詩天
道何嘗遠人心自太危蓋棺公論定盛德合豐碑

次韵昌齡至樂齋讀書

端慕顏回樂真同陋巷居息心容膝地得趣滿牀書
短燈宵永窻明日晷舒相看有脩竹心爲主人虛

游東際

白石三峯下懸崖七際流穿雲來汨汨朝海去悠悠石

是誰家婦

有兩石峭立俗呼石新婦

龍居第幾湫

俗云舊有龍

平生不行

險到此卽回頭

上有六際畏險不登

人日有雪竹間種蘭

人日又飛雪

去年人日臨安大雪

竹林仍種蘭

舊嘗於竹間種蘭

陽浮屑

瓊玖風泛馥檀欒花點黃金勝叢依碧玉竿世間桃李

眼肯向此中看

送陳元佐游剡

杖屨昔游剡夢魂猶至今欣聞戒行李遙訪舊同襟敦
學功相半淵源力可尋池中神鯉足時爲寄鄉音

宿學呈同官

時爲司業宿學私試

不聽梧桐雨回頭已六年蠶蠶諳舊味燈火結前緣進
學思韓愈同襟有鄭虔諸生不待勸忠孝素惓惓

馮員仲赴闕奏事士君子咸欲其留聞爲魏公所
辟勢不可奪遂成鄙語兼簡查元章

名德重夷夏皇朝兩魏公平淮已得愈論將更資馮報

主男兒志知恩國士風盡收良馬去冀北遂群空

予嘗以書

寄馮云聞元章爲魏公所知裴度幕中得韓退之賊不
足平矣元章時爲機宜員仲爲江西通判召來奏事

再至雙植堂呈表兄李克明

此日一樽酒再游雙植堂湖山浮野色草木帶秋光東
道德已熟西風花更香相看俱老矣會合意尤長

次韻題寶印叔蘭若堂

何處名蘭若依山結草堂花枝法雨潤心地佛燈光浮
世囂塵隔空門歲月長林間有啼鳥聽法亦來翔

洪丞不負軒

坐此軒無媿問君何以能所行皆是學不負豈惟丞
鷺文書靜槐松詩思凝博陵徒種績踐履亦何曾

周承奉挽詩

同年周敏卿父

平生義方教真是起家媒有子願已足無心官自來興
隨鳩杖逸情爲雁行哀想見長塘水淒涼遶夜臺

永嘉盧仲脩永年袖文見訪酬以短句

地僻原名左天寒歲欲徂遙遙屈佳客得得訪潛夫一

第且恩子八篇真起予

有論八篇

蜚聲叅四傑誰復敢前盧

張器先復和詩作五言以寄

短棹別孤嶼故山歸左原遙煩雁足字重到崔羅門歲月添新老文章憶舊論見詩如見面氣象有餘溫

山丹花

四月相將莫山丹開始都真心本來赤正色自然朱百合晚仍俗石榴繁更麗誰將僂竈藥花裏着工夫

游芝山寺

追和范詩

出郭上崔嵬山川亦壯哉三芝誰采去五老欲飛來懷

古情無盡思鄉首屢回論文一尊酒天色爲吾開

登綺霞亭用碧雲軒韻

郡亭臨大澤霞障截塵紛有色祇因日無心元是雲滄
浪隨郭轉欸乃隔江聞文正已仙去佳名于載芬

亭乃文正

公名

哭馮員仲

一代奇男子哀哉命止斯共天終不忍蹈海亦何辭下
惠已三黜照鄰俄五悲煩言何足辨公論不容欺

其二

身爲多才誤朝無一日安寧爲獨醒鬼不作附炎官夢
斷吳江冷魂歸蜀道難郡齋揮老淚重取近書看

近得員仲

過江
州書

陸居士挽詩

撫州人有子六人子九齡在太學

槐市訪同舍麟經推阿戎傳家知有子種德本由公遺
訓皆新語多男類陸終佳城在何處楚尾白雲中

閏月三白三首

閏月生明後

初四日雪作

江天未臘時風翻禹門浪花糝月

宮枝

桂花一秋三放

照夜皎珠樹秀庭祥玉芝定知年大有何

止麥相宜

其二

迎臘雪三白未春花萬株神仙森玉府天象粲台符詞
吐水流峽鼎成風擊湖鬢邊絲可織四皓盍添吾

其三

占盡一陽月分爲六出時

自初四雪初八又雪二十五又雪

韋編照清

夜塞管落南枝獻中荆山玉開成廟柱芝

杜語瑞芝產廟柱故云

宗時廟柱產三玉芝

人間瑞已足過此却非宜

又和項服善三首

風雲頻慘淡草木屢蒼顏詩裏報瓊玖宮中歸玉環

明妃

凡三入宮帝庭侯帛至佛殿寶珠還更有人清白鄱陽似魯

山

其二

梅葉開仍落同雲合未離添爲五大老真是四無私天
女來成粲冰蠶老欲絲梨花一枝雨冷艷可能欺

又用時字韻

黃竹成章日陽春衆和時玉階談戰陳瓊燕賜花枝陶
徑還飛絮商山欠採芝西疇農事及歸去正吾宜

和洪景盧用三白韻作四白詩

大似佛世界端如玉燭時穆家兄弟味楊氏子孫枝

楊氏

四世爲公以清白名家

鄞海明瑤柱

四明出光瑤柱

鄮亭望秀芝

鄮江有亭

北望芝山州有芝秀閣

祁寒繇政拙去

誠宜

其二

楚士昭千乘韓梨夸數株舜門紛執玉堯岳銜分符寶

結文房友鑑明狂客湖郊圻正多壘兵會憶夷吾

兵車之會

臆盡日又雪洪復作五白詩再和

天地俱同數嘉平欲盡時柳飄彭澤絮松壓大夫枝越

絕山飛洩

越有瀑布名五洩

文登石產芝

登州海上五島皆生石芝

濫騎爲

郡馬深願穀相宜

其二

日掩雲間色

李嶠詩雲間五色滿

榆栽天上株芳聯仙桂籍窮送

舊桃符遠岫明廬阜澄江接帶湖宣麻開晉國入蔡憶

金吾

裴晉公五拜相金吾謂李祐也

齒落

五十行將四浮生已向殘齒疎方咄柳牙落遽驚韓猶
訝年初齟翻疑頰未丹定知從此去梨栗怯堆盤

國娘生日

正月二日

注歲王司業初生嫡女孫命名聊志喜曰國不忘恩日

在元正次身居輩行尊

國娘在輩行中爲長

願如班與孟賢淑振

吾門

次韻何憲太平道中書事

明刑清詔使行部近清明況有太平象想亡愁嘆聲問
民知疾苦按郡戒將迎更向金陵看六朝餘故城

次韻何憲題魯池州通隱堂

朝市隱誠好山林通更嘉出非專爲米去亦不期瓜下

惠何妨介東方未用夸

東方朔朝隱者也退之作方朔遺事詩挾恩更矜夸

池州

知此道無媿仲連家

哭何子應

籍甚何夫子文章擅美名金華傳語寶鄱水主詩盟心
印橫渠學相門無盡甥人間一夢覺卿月墮臺城

其二

骭髀宜三黜飄零到九疑忠膺黃屋眷音遇紫巖知

以公

張魏公
薦被召

共理符頻綰明刑節屢持青天萬里蜀無復話

歸期

其三

公作皇華使予乘郡守蟠江湖吳芮國襟抱杜陵尊翰

墨頻揮染詩文細討論新編槩未就楚些已招魂

何以
正月

二月二十二日行部方議
刊楚東騷唱集途中

前端午一日會飲鄱江樓十有六人既分韻賦詩

又戲成短篇

佳節江樓上同僚共把杯人如舜才子名半漢雲臺詩

占城南首音叅古磬枚宜添兩學士相約訪蓬萊

韓退之游

城南詩十六首漢魏爲郡得古磬十六枚

易芝山五老亭名曰五峯安國書之因成短篇

三秀呈祥處危亭壓衆坡眼驚廬阜近峯類夏雲多喬
嶽神咸會蒼穹頂共摩紫微新鉄畫輝映楚江波

寓栖真四宿時二兄寓上庠未知去留又祠命未

下頗以爲懷

白帝知何處黃山且少留

地名上黃山

心慙陶靜節政愧范

饒州桑下越三宿江邊將半秋家書及祠命何日解吾憂

中秋宿灤溪驛

瑞昌縣

半月游廬阜中秋宿灤溪祠尋元子隱

元次山舊隱

樹認赤

烏栖

吳赤烏所見之地

坐待雲開月行愁雨作泥番人應話我

身在九江西

其二

浪士舊游處旅人今兩宵赤烏曾紀瑞銀杏敢興妖

驛故

簿所有銀杏木甚古能為妖伐之遂息

照眼水名灤回頭山憶堯

番陽有堯山

男兒四方志寧憚蜀天遙

中秋思鄉用灤溪韻

今夜中秋月還應滿故溪遙知千里共深羨一枝栖歲
月飄如夢年時過侶泥可憐佳節裏兄弟各東西

宿多福院

古刹名多福初來宿上方蜂窠懸殿壁燕壘滿空梁
蝙蝠沸盈室塵埃堆滿床香燒數炷柏移下小僧房

途中遇雨

夜宿佛圖寺曉穿山障中泥愁行滑滑雨厭落濛濛晚
稻短長熟野花深淺紅江西又湖北馬首幾時東

宿大治縣

隔岸呼舟子湖山日欲曛人家數點火風物一川雲小
渡漁人占中流縣界分秋深山驛冷蕭瑟夜深聞

宿武昌縣

行盡江西路初乘湖北舟荒城嘆權皓

孫權及皓嘗都于此賢令

惜韓歐

韓退之父仲昌歐陽公曾大父郴皆爲武昌令

漫浪無元叟崢嶸有故

洲神仙雪堂客幾度絕江游

遇雨兩宿縣驛

絕巘笙簫斷鄰州鼓角聞江淮兩岸雨吳楚一天雲有
驛聊堪憩無尊亦自欣西山逢老宿往事說三分

過樊口

短棹經樊口高人憶漫郎杯湖誰復泛退谷自深藏鄂
渚風烟接吳宮草樹荒遺音聞八曲大小兩回傍

宿華容寺

古刹何年有傳聞正觀初藥痊明主疾鼠福梵王廬帝

賜褒嘉札

以上事見武昌土俗記

神留吉利書

殿柱有倒書吉利二字人相傳以爲

天書殘僧三四輩朝莫自鐘魚

宋王忠文公文集第三十二卷終

宋王忠文公文集第三十三卷

知樂清縣事楚南後學唐傳鉉人岸重編

邑後學貢生徐名世匡侯校

律詩 五言二

朝離華容莫宿孟橋小店甚陋得莫漕子蒙書以
八百料船見借遂可鼓楫而西矣

曉發華容寺雲開鄂渚天秋深餘晚稻地曠闢菅田草
市魚多骨荒村店有烟計臺書報我已具濟川船

至鄂渚泊報恩寺

跋涉經江夏悲涼忽莫秋雨登羅漢閣

寺有五百羅漢閣可以觀覽

醉上庾公樓

諸公會食總司既罷予獨登南樓

風急將吹帽江寒更泛

舟川塗元不隔歸夢到東甌

十日解舟晚泊江口望鄂渚漢陽

繫纜長江口斜陽照兩州山遙瞻大別渚遠認南樓漁

艇家烟浦江神廟柳洲

江頭有神祠在叢柳間

文通送別處春恨

可如秋

江文通別賦送君南浦傷如之何南浦在鄂渚之南文通以春送客而予以秋爲客悲又可知

解纜南浦初泝長江江流出鄂渚漢陽兩山之間

雲靄橫之如一山然

解纜長江口回頭思黯然封疆一川隔烟靄兩州連水

鳥飛沿渚江豚躍傍船好風知幾葦送我上青天

宿通濟口

千里長江險舟行夢亦驚轉磯憂浪急入沌喜波平秋

老大猶燠宵長月自明洋洋通濟水何日得歸程

宿高牙

牢落楚天涯夔門路尚賒落帆驚宿鷺弭榜傍栖鴉

有鴉

千百群集于柳

風伯聲喧枕漁人水浸家江神阻行色非是戀

高牙

兩宿

過三义

在玉沙縣界

派別從金口江行過玉沙風灣迤入疊烟渚會三义柳
老餘春色尊空負月華端如退之語江遠共蒹葭

宿網步時已入夜猶行舟忽聞犬聲知有人家孤
燈一點蓋漁舍也是夕有月不飲

網步知何處維舟日已昏孤燈耿漁舍一犬吠江村問

夕三
境欣名復

在復州界

歸心幾到溫遙天有明月惜不照金尊

二十五日先妣遠忌祭于舟中

有遺嗟無母舟中遇忌辰魚蔬當血食橙桔薦時新家
比去年遠囊如舊日貧白巖山下冢歸掃擬新春

夜宿下沙步有小浦藏舟于口懼有風也是夜浪
忽作聲如潮舟爲之撼如是者三舟人驚懼初謂
有風起視則天籟不號星月皎然篙工云江中畏
炮炙鄰舟有煎油者岸圯而浪生曉視之果有圯
處或云鼃鼃之屬因記之

疑向錢塘宿潮頭夜半聲油煎江岸圯舟撼夢魂驚浪
自鼃鼃吐風非蘆葦生江神不遷怒頃刻爲吾平

十月四日宿于沙市舟中捲簾忽見新月天色如
水鄉思淒然得詩一聯云詩成天作紙簾捲月爲
鈎連夕燭有花至六日家書來自臨安足成一篇
寄二弟

今夕果何夕章華臺畔舟詩成天作紙簾捲月爲鈎蠟
炬知何喜鄉心未免憂家書隨雁足兩月到荊州

二十四日視帥印于歸大拽舖

大拽名何壯孤峯勢更巍拜恩羅吏卒列炬照烟霏分
閩來魚復懷鄉過秭歸石門觀峽水東注疾如飛

正月六日游磧呈行可元章

踏磧逢如馬臨流想卧龍江山供指顧尊俎奉從容峽

水

巡漲巫雲淡復濃天教我輩合莫惜罄金鍾

巫

困詩得男名之曰夔

夔乙酉十二月十九日生詩以二月二十四日作

夢

初傳鯉

是日巫山送双鯉

吾家遂得夔遙來如馬地却應

夢

聞詩在番易日夢熊入書院

官忝二千石孫看第一枝欣同

夢

北視汝侶吾兒

夢

入韻元章留別

夢

成都去回舟白帝邊月應遙共對夔復有誰憐我

夢

歸計君宜了世緣相期翼吾道餘事讀楞圓

夢

立秋

夢

催吾老天涯見立秋涼微金尚伏暑氣火初流家

夢

嘗稻年衰怯戴楸

夔人立秋並簪楸葉

歸耕期已近河漢望

牽牛

和喻叔奇宿大木寺

木記餘千大風觀楚國雄吾詩留大木君句壓雄風番
水連天碧潘花滿縣紅

叔奇攝
邑安仁

論文一尊酒何日故人

同

制勝樓

絕塞依天險高城瞰陣圖公孫曾帝蜀諸葛欲吞吳尊
俎衝千里關山敵萬夫人謀兼地利端坐靜邊隅

中元日得雨

秋陽亢流火時雨洗中元既賀苗蘓稿還欣暑滌煩德
知天地大功任鬼神玄願作老農圃一犁耕故園

宋王忠文公集卷之三十三
題無隱齋寄交代張真父舍人

遙自不欺室來居無隱竺事君均有犯得郡兩俱佳西
蜀去何猛東甌歸未諧清風數竿竹時見故人懷

盤古廟

盤古千古江頭遺像存伏羲猶後輩禮殿盡諸孫不

屋昔非陋有祠今未尊東林二郎廟巫覡醉朝昏

盤古祠止

一間庠陋甚無祭祀者
旁有二郎廟祀者甚衆

十月九日雪

夔子今年雪初冬已在山峯非是塩白髻不爲詩班寒

律三朝後

五日
立冬

雷聲八日間

二日
雷

潛催子猷棹乘興早

知還

三友堂

閩梁二同年過夔把酒論文于小書室旣別因目之
曰三友

丁丑同年友三人忽此逢符分俱握虎簪盍偶成龍撫
卷神山遠銜杯瑞雪濃一壺勝太白形影月游從

生日

老遇懸弧旦天涯把一麾誤蒙崧嶽句忍誦蓼莪詩節
物梅經眼年華雪上眉兒曹觴壽酒盡是祝歸期

觀畫像

似我豈真我相看還自疑陋非臺閣像高失布韋時吟
苦眉常皺憂多鬢早衰惓惓畎畝志無復畫師知

杜殿院挽詞

流落杜陵老平生一飯忠大賢宜有後異代果生公文
艷神藜燭霜蹄御史驄九原呼不起蕭瑟柏臺空

其二

親擢逢明主臺綱振一時觸真同獬廌問不到狐狸姦
佞已落膽江湖甘把麾賢哉郭有道無媿蔡邕碑

其三

我昔游三館聞公論立朝端如平日語果不小人饒

公每

云某饒得君子不饒小人

節義真齊固年齡不逮喬英魂已天上楚

些詎容招

題朱鈴幹灝无喧室

雅抱淵明尙處喧思避喧門雖有車馬趣不異世園仁
者本來靜時然應亦言端能重吾幕無復擾爲煩

至日寄二弟

雲物書何處山城白帝旁
髮絲驚漸短日線喜初長
江冷魚思復陽回雁戀行
小舟吾已具命下卽還鄉

懷二叔

二叔年高甚天涯姪未歸
一陽雲物動三峽夢魂飛
文室懷明慶巍樓上靜暉
皇恩許歸去行矣叩林扉

白雲樓赴周漕飯追念行可

不到西臺久傷心憶舊游
水流猶故沼

行可嘗引水植蓮于池

雲

散只空樓丹荔誰祠柳

今夏嘗同食新荔于池邊

清坐不對周徘徊

賦詩處淚下莫能收

哭陳阜卿

槐市聲名早儒林行藝尊麟經無絕學烏府有危言半
歲甘泉橐頻年刺史幡淒涼道山舊今日幾人存

其二

識面登瀛日

論心去國時

孟軻非好辯

每得公書有楊墨塞路語

半

祐有先知

公在道山臧否人物有先見之明

手筆今文伯神明古吏師

老成嗟不見洒淚讀招詞

公嘗作招徐孺子詞

其三

我守番君國公時帥豫章詩筒續元白治境接龔黃流
落來夔子傳聞侍玉皇北門方卧護帝忽遺巫陽

其四

邸報知凶計傷心不忍言圖猶對徐孺人已喪陳蕃前

贈徐孺子圖杖屨欲三徑衣冠俄九原數行羸博淚瞑目有

餘痕公近喪長子

夔硯

有以硯來售者曰歙石璞稍巨色青而文細光潤而
發墨兒曹買之或曰非歙硯乃忠州石耳予莫能辨
得之于夔目曰夔硯因讀少陵平公得硯詩則知三
峽古亦出硯也詩以記之

一片夔州硯千年禹鑿痕平公見爾祖王子得其孫銅
雀今安有羅文世所尊聊同玄穎輩文字與吾論

聞韶美侍郎易任廣漢

帝眷甘泉舊綸恩換虎符神應馳北闕眼已見西湖

有漢

西湖霖雨思賢甚仙槎到漢無書梁形夢寐大厦待公扶

聞之夕夢韶美
大書兄字于梁間

其二

書欲臨邛去公俄廣漢行湖欣遇房相詩擬和劉兄爲
郡人生貴還鄉晝錦榮無從陪杖屨老我欲歸耕

除日

蝸舍三年別夔門兩歲除盆雖具殽簋難不是鄉間櫪
馬喧新集桃符換舊書何如杜陵老守歲阿咸居

元日

元日年年見天涯意故長詩篇示宗武春色酌瞿唐白
髮又新歲黃甘非故鄉弟兄團拜處歸去願成行

酒名
瞿唐

送王撫幹行甫

之子來夔子春江又綠波分符慚政拙贊畫賴才多翰
墨妙揮染詞章工琢磨扁舟先吾去送別奈愁何

六月一日

天涯逢六月深憶別家時

甲申六月一日離家

行也亦云遠歸與

何太遲殊方最炎熱多病想扶持天遣西來意端令啖

荔枝

是日食
新荔枝

幼女生日

林鍾奠四莢吾女此時生日向炎天永月從前夜明提
攜仰慈母教誨賴諸兄願汝康而壽人如少蘊清

周行可挽詞

我始來夔子公先在計臺江山同弔古文字共銜杯馬
運言尤力天高聽未回懷人夢不見西望肺肝摧

其二

大事同生日佳城近故業空留丹竈藥忍望白雲樓偃
折恩誰繼澄清志未酬傷哉葬元伯執紼竟無由

過客談梁彭州之政不容口聞爲虛額所困欲引
去予願其少留以福千里輒寄惡詩

籍甚吾年友彭州譽正馳那因困虛額遽欲丐真祠勿

謂徒勞耳終須日教之家傳治稱最自有九重知

伏日與同僚游三友亭

炎天過小雨伏日生微涼新亭會僚友故事開壺觴

用番

陽西望亭去年瑞白堂故事

泉汲卧龍乳茶烹團鳳香緬懷去年友

跳珠出詩章

悼巫山趙宰

使者追求急君方歸意濃讒言端可畏鬼物不相容浮世誰無死良醫未易逢我來經舊館流涕覺無從

過大拽

大拽今重過江山記我無雲開列嶂秀石峙一峯孤吏卒送迎異舟車來往殊

往歲遵陸今以舟行

鴻留泥上迹飛去到

江湖

宿灌口

拂曉出楚塞中流望荆門江隨銅柱轉舟遇虎牙奔鳥
度南天濶魚翻秋水渾宜都轉盼過夜宿舊江村

南望
乃松

滋
縣

塔子山

已過魯家泖猶瞻石首山水隨江繚繞山逐岸回環雨
泊蘆州畔舟行晚照間貪看洞庭好不作沌中還

宿人老灣

滾滾長江水悠悠歸去船片

南岸雨明月別州天犬

爲客驚盜蚊令人廢眠江

人老驚我髮鬢然

是夕
犬吠

疑有盜舟人驚
起終夕不寐

舟遇逆風破浪賦詩

風撼楚江水雲橫鄂渚天支頤看山色破浪出詩篇門
掩瀕江舍帆揚上水船江神不借便歸興自飄然

泊舟漢口

稍稍風波定悠悠舟楫移身雖到漢口家尚在天涯大

別思大禹古峯懷古夔

前月是日離夔州

山城有廖廓歸說是

吾兒

聞詩聞禮同朱仲文張子是諸公遊漢陽郡圖言有廖廓臺東望郡都山川城郭盡在目中

黃州

弭棹大江濱江山入眼新地疑真赤壁州是古黃人水

隔三分國

武昌在南岸吳故都也

風遺兩逐臣

王元之蘓東坡

雪堂欣覲

面詩思定能神

池陽阻風留十日

舟楫何濡滯秋深風未西
五旬從白帝十日尚清溪
胸次澤吞楚眼中山見齊
主人殊未厭壺榼屢提攜

子長攜具至溪口復用前韻

有客雙蓬鬢歸從灩澦西
符分三竹使地見兩梅溪

舟行

梅溪予家亦有梅溪

舟遇先逢李孟行
酒到齊他年石橋路歸去

手應攜

舟至梅根子長寄詩復用前韻

使節淹江左魚符換浙西
詩筒猶在道客棹已移溪
戒險疑浮峽行徐類去齊
壺觴更何日重向翠微攜

銅陵阻風

兩年官絕塞萬里下瞿唐秋浦浪方息銅陵風又狂五
松人憶白雙竹句思黃

五松山李太白讀書處有魯直雙墨竹詩今已亡矣

今夜

舟中月中秋何處光

其二

江入銅陵縣舟藏蘆葦間郵亭危壓浦佛屋陋依山月
出烏將繞風高雁欲還江山不貧處一覽見塵寰

山有富覽

亭

黃池對月

十五日

白帝去年月黃池今夜看風將清玉宇雲不礙金盆明
鏡飛邊遠霓裳舞處寒論文一尊酒欣對舊同官

是夕錦于

方大圭秀才家月明甚與朱仲
文張子是王康侯錢正叔同飲

廣德途中觀刈稻

田父欣相語今年幸有秋深憂水後爛急向雨餘收穗
盡穴移鼠畦空童放牛何當速歸去吾亦有西疇

郡中久雨入境而霽

積雨喜初霽湖山清更嘉船船漁晒網岸岸稻烘芽水
漲魚蝦樂年凶道路嗟人言新太守頭白似苔花

寄夔州張君玉撫幹

名珣

天上張公子同僚半載餘令人思灑灑有客泛芙蕖一
自離夔子頻蒙寄鯉魚江山元不遠面目在來書

送張光大咸赴長沙簿

同舍張公子長沙送宦游讀書真有用謀道了無憂賦
鵬休悲賈棲鸞暫屈仇薦章行引類文帥是黿頭

王夷仲校書挽詞

同姓同年友吾心久已降賓王誤第四江夏本無雙刺
不投東閣吟惟坐北窻胷中蘊經濟可惜未施邦

其二

明月雙溪地三年兩度逢君登群玉府我到白
喜書傳鯉俄驚劍化龍公與夫人去守符嗟未解執紼恨

無從

送柴常之赴汀州教官

有客神珠玉訪予雲水鄉虞庠同舍友虎榜甲科郎送

別汀蘋白之官芹藻香南溟九萬里拭目看翱翔

送朱舜卿赴汀州司戶

家塾游從久賢良聲譽馳初官三語掾餘事九章辭子
正強而仕予嗟久矣衰愿言行所學滿慰素相期

登清風樓呈通判宋子飛

苔雪水會處樓高風快哉洲中白蘋動天半故人來穆

入周臣頌雄勝楚客臺飄飄玉州子乘興上蓬萊

時某得祠

子飛攝郡事酌別是樓子
飛亦將美解故末章及之

至德清懷送別諸公

舟泝餘不

平聲

水回頭憶兩溪川長太湖隔天遠卞峯迷

左顧龜何在

縣有左顧亭
孔愉放龜處

南飛鳥欲棲從今到家夢却

到淞江西

泊桐廬分水港

何處繫歸舟
桐廬舊日游
港從分水出
亭瞰合江流

合江

亭

疊嶂雲披絮
遙天月吐鈎
紛紛釣魚者
無復見羊裘

嫠女廣文官
舍舊有五柳
蕭侍郎德起
爲教官時取
以名堂歲月
浸久柳旣剪
伐名亦喪矣
周堯夫欲復
其舊詩以贊
之

何人栽五柳
雅目自蕭公
要使廣文舍
長存彭澤風
名因賢者復
趣與昔人同
留取先生傳
他年國史中

訪曹夢良

我自簫峯下
遙來訪許峯
川塗何敢憚
筆硯久相從
故

里行將遠吾人豈易逢何當繼韓孟相逐似雲龍

入長溪境

老矣倦游宦八閩如入川三山疑隔海九嶺類鑽天

峽中

有鑽天三里

種稻到山頂栽松侵日邊溪長水無盡前更有

清泉

崔肅之

雍

自湖至泉遷二親之喪歸葬詩以送之

番水同僚舊遙從雪水來異鄉欣覩面清話洗銜哀

時予

有哭丙之戚

葱鬱佳城就勤勞孝子回不應淹權酤中外兩

須才

送吳憲知叔

出郊聞好語盡道憲車賢郡不留三宿人皆仰二天薦

章光白屋

公至郡薦三人皆孤寒士

貢宇給青錢

以百緡助起貢院

上正開

宣室公歸席定前

祈雨未應提舶知宗道觀焚香明日遂雨提舶有

詩次韵

一雨誰之力因公發善心同爲上公請小作傳巖霖高
廩行將實南風日已驥涓辰祈善利感應亦猶今

題節推納涼軒

孔光字德溥

有客游蓮幕開軒更傍蓮披襟風未賦遞嘯句先聯境
淨涼偏足心清暑自蠲快哉誰與共廣厦集群仙

軒近貢院

州宅卽事

泉南古州宅草木有遺芳鷹爪冬猶綠闌提夜更香佛

朝暮異荔子歲年長惟有松并竹青青似故鄉

貢院納涼分韻得湖字

突兀千間屋清涼五月湖人才此塗出暑氣坐中無虎
榜唐文傑雄風楚大夫相期游廣廈慷慨論唐虞

知宗游東湖用貢院納涼韵見寄次韵奉酌

東湖曾一到想像賀家湖花似越女好人如狂客無

知宗

寄居會稽高吟還老手野趣屬潛夫歸奏南風曲薰兮欲和

虞

再和

宗老呼佳客同觀郭外湖融樽常喜滿參酒不言無

知宗

二子侍行

草色懷三徑松聲憶五夫

越州五夫因秦封五松得名

公游更

何日旌至定招虞

比和知宗詩牽於押韻以招虞爲戲果蒙見招復
用前韻

宗英真好事呼客共游湖攜具臨平遠觀山對有無十

花逢淨友

會端伯十花以荷爲淨友

千頃和雲夫

韓詩酬盧雲夫荷花行曲紅千頃披

淨

得玉又求劍無厭慚似虞

游湖值雨薛士昭衣巾霑濕意氣自若戲用前韻
薛侯真不俗十日雨東湖俊逸詩篇有倉皇雨具無袍
雖濕■父眉不皺堯夫異夕月離畢游宜備不虞

送王提幹

昔年王儉客今共阿戎游嘗藥子當去請祠子欲休過

從都幾日離別况逢秋歸上雙親壽塗中莫逗留

清源夫人趙氏挽詞

全節忠臣配崇甯宰相家哀能變國俗貴不御鉛華學
佛窮三昧然松教五車遺芳載彤管名壽兩俱遐

其二

我竊清源祿欽聞孟母慈符分三子舍桂擢兩孫枝方
戲黃堂綵俄豐紫帽碑神州嗟未復長抱望夫悲

懷胡侍郎邦衡

今世汲長孺廬陵胡侍郎孤忠一封事千載兩剛腸晚
節逢明主丹心契上蒼群兒巧相中直道亦何傷

悼汪舍人養源

襖被周廬日寅緣識偉人

庚辰同
考殿試

節因辭辟著志向得

言伸伯仲同持橐聲名壓縉紳人亡邦國瘁可贖百其身

悼張舍人安國

天上張才子少年觀國光高名一枝桂遺愛六州棠出世纔成佛修文遽作郎長沙屈賈誼宣室竟淒涼

知宗贈金橘報以香橙

橘以金爲重橙因香見奇拜嘉欣熟早報貺愧來遲好處君須記良天我正思

魏野詩云南
應思橘柚天

聊修往來好更

誦木瓜詩

林主簿明仲挽詞

齒德尊鄉黨胷中有古今箕裘傳蒹藻臧否判崔林呼
佛知仁政名軒見道心扁舟欲訪戴仙去不容尋

其二

一箭雙鵰手青衫已白頭硯幾磨鐵盡官止及瓜休漏
斷鄆江夢風含曲水愁

以上已日

釣天記白玉塵世冷西

樓

其三

假館城西日清談屢獲陪江湖倦游宦文字阻銜盃方

嘆鸞栖棘俄驚鳳去臺

公與孺人相繼而化

雪梅開舊嶼無復寄

詩來

哭萬先之

太學時名重吾鄉德譽崇才華合天祿官職止儒宮相
國方知愈諸公競薦雄天涯忽聞計老淚洒西風

馮員仲復元官與致仕恩澤

謗焰久自熄果然天聽回孤忠昭聖代遺恨釋泉臺伏

節同元帥

符離師潰員仲與張魏公父知音有上台員

與今左相同在魏公幕中

三軍氣應壯一洗向時哀

員仲

以論列罷三軍
嘆息有流涕者

懷夢齡昌齡弟

久別思吾弟宅鄉歲又除日吟棠棣句目斷雁行書老
去情尤惡懷歸語似虛祠章已三上試爲掃茅廬

人日喜晴

元日至人日幸無陰晦時因思董勛問却異少陵詩遙
想水披凍坐看梅滿枝明朝如得雨正與穀相宜

悼陳提刑

耆舊嗟零落南來識太史有年兼有德無怨亦無求爲公

監司郡守未嘗按吏居鄉不以事干州郡清室遺風在新橋雅志酬誰知燈

火散身世隔明幽

元夕貢院張燈公爲上客後十日而逝

出郊迂客至石塔院憇劉公亭觀石筍橋東望郡

城南瞻紫帽卽事有作

春日西郊外江亭眼界嘉青桐映樓閣紫帽抹烟霞雨
過牛耕野潮回鷺立沙河梁阻攜手空起逝川嗟

大年獨步郡圃卽事有作次韻

厭聽桐城雨頻瞻雁蕩雲
宅鄉見子面好句張吾軍
草

木心知敬

大年每稱賞
郡圃花木

桑榆景未曛淹留不須嘆
雞鶴

偶同群

分韻得宜字

榭向雲間築風從天半吹
談方以清飽襟更爲涼披
雄入蘭臺賦微生殿閣詩
倚欄觀出岫吾去亦誠宜

罷官述懷

去矣清源守皤然雪滿顛
居官無善政排悶有詩篇
朋盍三杯酒公餘一覺眠
泉人豈思我我意自思泉

挽令人

知汝莫如我傷心不盡談
忍貧猶好施見得可曾貪
水

朱子忠公集卷之三十三
陸同艱險糟糠共苦甘和鳴三十載一夢斷閩南

其二

之子有賢叔鯁生誤受知恩蒙夫子妻事類白圭詩黃
卷悲吟夜青燈照續時竟孤偕隱願徒切悼亡思

其三

我欲誌諸墓有言何敢私如賓最相敬無妬似知詩孝
合從姑葬賢宜舉郡悲明朝是重九忍看菊花枝

蔡端明祠堂

公昔自禁從再來臨此邦河梁一何壯筆力獨能扛政
績留南紀祠堂枕大江山川與人物今古兩無雙

松筆

我有文房寶莫如毛穎清來從丹桂窟封以五夫城輩
行惟彤管宗盟是墨卿湘東謾三品無此歲寒名

宋王忠文公文集第三十三卷終

宋王忠文公集

卷之三十三

十一

後

宋王忠文公文集第三十四卷

知樂清縣事楚南後學唐傳鉉人岸重編

邑後學庠生鮑昌國從登校

律詩 七言一

宣和乙巳冬大雪次表叔賈元賓韻

天公昨夜屑瓊華三尺深深曉更加
柳不待春先起絮
梅非因笛自飛花
牧羊大害人何在
駐馬藍關路更賒
安得晴天開萬里
行人愁思渺無涯

傷時感懷

三萬六千成擲梭
歡娛常少愁常多
干戈今日猶未定
書劍他年知若何
淡蕩三秋冷時節
蕭條萬里空山河

宋王忠文公集卷之二十一
傷時眼淚滿襟血更把少陵詩句哦

其二

帝鄉五載亂離中億萬蒼生陷犬戎二聖遠征沙漠北
六龍遙渡浙江東斬姦盍請朱雲劒射敵宜貫李廣弓
借問秦庭誰慟哭草茅無路獻孤忠

駕幸温州次僧宗覺韵

聖主南巡駐六飛邦人咫尺見天威間關高帝尚鞍馬
謹厚漢光猶絳衣北斗城池增王氣東甌山水發清輝
佇看天仗還京闕無復旄頭彗紫微

溫城七山
成斗形

題湖邊莊

十里青山蔭碧湖湖邊風物畫難如夕陽茅舍客沾酒

明月小橋人釣魚舊卜草莊臨水竹來尋野叟問耕鋤
他年待掛衣冠後乘興扁舟取次居

湖邊懷劉謙仲

湖山如畫水如藍杖屨浙邊酒半酖往事蕭條誰共說
舊游零落我何堪炎涼世態從他變生死交情祇自諧
詩客有魂招不得秋風依舊滿江南

寄孫永之

名龜年
沂州人

詠歌沂水舞雩風氣壓當時冠與童人似賈生年更少
家傳孫綽賦尤工孤羆傲兀深叢裡一鶚軒昂衆鳥中
早取功名寄衣鉢古來相種出山東

寄毛虞卿

名公弼後改名宏
字叔度登乙丑第

文會今年喜重尋
葭姿玉質又同林
弟兄並秀如君少
朋友相知獨我深
一別幾勞終夜夢
相逢更話百年心
長卿賦有凌雲志
却笑區區蚓竅吟

虞卿工賦嘗笑予作詩而不事舉業

次韻虞卿送別

喜君直諒更多聞
共惜光陰寸與分
螢照夜窗纔煖席
蟬吟秋樹又離群
尊前忍聽陽關曲
江上愁看日暮雲
別後誰能慰牢落
錦囊長帶故人文

次韻劉方叔見寄

名鎮登戊辰科

交情貴久豈須頻
我輩尤宜率且真
子政有孫誠益友
長卿何代乏詩人
論文初喜逢知己
言志深期共致身
箕斗相望正南北
潁川何夕聚荀陳

明月小橋人釣魚舊卜草莊臨水竹來尋野叟問耕鋤
他年待掛衣冠後乘興扁舟取次居

湖邊懷劉謙仲

湖山如畫水如藍杖屨浙邊酒半酖往事蕭條誰共說
舊游零落我何堪炎涼世態從他變生死交情祇自諳
詩客有魂招不得秋風依舊滿江南

寄孫永之

名龜年
沂州人

詠歌沂水舞雩風氣壓當時冠與童人似賈生年更少
家傳孫綽賦尤工孤羆傲兀深叢裡一鶚軒昂衆鳥中
早取功名寄衣鉢古來相種出山東

寄毛虞卿

名公弼後改名宏
字叔度登乙丑第

文會今年喜重尋，葭姿玉質又同林。弟兄並秀如君少，
朋友相知獨我深。一別幾勞終夜夢，相逢更話百年心。
長卿賦有凌雲志，却笑區區蚓竅吟。

虞卿工賦，嘗笑予作詩而不事舉業。

次韻虞卿送別

喜君直諒更多聞，共惜光陰寸與分。螢照夜窗纔煖席，
蟬吟秋樹又離群。尊前忍聽陽關曲，江上愁看日暮雲。
別後誰能慰牢落，錦囊長帶故人文。

次韻劉方叔見寄

名鎮登
戊辰科

交情貴久豈須頻，我輩尤宜率且真。子政有孫誠益友，
長卿何代乏詩人。論文初喜逢知己，言志深期共致身。
箕斗相望正南北，潁川何夕聚荀陳。

寄方叔

故人一別路漫漫又覺春生到水村魚躍雁飛空注目
柳開梅落自消魂唱酬應有詩千首談笑長懷酒一尊
正是剛腸九曲處子規聲斷月黃昏

贈余取新

小邑那能敵大邦與君角力固非雙氣驕欲縱偏師戰
勢屈翻求北面降深懼操戈重入室自慚閣筆久臨窗
定知紙價從今貴余子詩名滿蜃江

次韵咎監務早梅

群芳避路放梅開奔走遊人滿砌苔半樹溪邊衝雪破
一枝頭上帶春回月移瘦影供吟興風薦幽香襲酒盃

剛被西湖都道盡至今詩客句難裁

寄賈一節

無奈窮冬易感傷況添離別助淒涼五更殘月頻成夢
十里青山幾斷腸短棹未乘晨雪去尺書聊遣暮鴻將
少年勉力親燈火要使家聲繼洛陽

孫子尚過明慶以詩見招未及往次韵

剡溪未起子猷尋空對溪山恨滿襟孤雁遠來天杳杳
故人相望雪深深思君一日成三歲寄我行書直萬金
惆悵今宵一尊酒惟邀明月伴孤斟

懷子尚

滿眼干戈行路難故人千里駐征鞍幾勞終日馳魂

安得乘風挿羽翰
水北山南春寂寂
天涯海角路漫漫
欲憑人寄新消息
手把梅枝仔細看

讀親征詔書

甲寅季冬讀親征詔書
哀痛切骨
畎愛君情至於
此食祿者義當何如
匈奴中展轉不能自
已故作二詩
逆賊何時正典刑
久聞諸將擁彊兵
中原未雪十年耻
聖主自勞千里征
楚國群臣誰慟哭
杜陵野客自吞聲
君恩壓頂
岵山重命擲鴻毛
未是輕

其二

諸將年來已寵榮
回看烟閣欠功名
八年猶未平淮甸
一戰那能復帝京
畎忠臣自憂國
閭閻小子妄談兵

五三
憑誰猛決天河水一洗乾坤萬里清

次韵題曹大夫懷忠閣

小閣誰懷畎畝情遙瞻天日眼增明平生憂國丹心在
一飯思君血淚橫
功臣真有種并汾壯士素蜚聲
區區問舍求田者應被元龍一笑輕

聞韓師

世忠

退保丹陽遠近憂懼州縣議結鄉兵

以備不虞閭巷少年貫弓走馬若有得色感而有
作

逆賊縱橫未剪齊王師退保浙江西羽書日報猶未息
戎捷遠來何太稽千里戰雲新鬼哭滿天陰雨夜烏啼
臂弓腰箭誰家子竟日鳴鞭躍馬蹄

得陳商霖書

山館無人慰索居
喜君交契有終初
扁舟方起雪溪興
尺素又傳魚腹書
炊黍定尋前日約
題詩甯怨故人踈
好來相共親燈火
可惜青春度莫虛

昔與南浦劉謙仲
大梁孫子尚游自
劉死橫陽孫亦有
浙西之役交舊零
落爲之慨然感而有作

劉翁泯泯已新鬼
孫子飄飄猶旅人
詩酒舊游誰在眼
江山回首自傷神
招魂擬向橫陽道
有夢長飛雪水濱
死者不生生者別
死生離別兩沾巾

次韻李刑曹病起書懷

中原回首尚塵飛
書劍南來早識機
方事高眠學安石

却愁多病似王微腸枯謾有書千卷腰痠難勝帶十圍
志士未逢聊爾耳古人何用泣牛衣

又用前韵

文園病思亂如飛禪榻逍遙謾息機漸喜蛛絲封藥裹
未容鶴髮上簪微酒能伐性聊須止碁恐勞神未敢圍
惟有詩懷禁不得任他憔悴不勝衣

季令生日 八月十四

佳氣光芒藹劍池慶門呈瑞應熊羆人間秋色平分際
天上冰輪欲滿時何處楚丘占季子自應無忌似牢之

何群

甥姮娥預把蟾宮桂歲歲飄香薦壽卮

徐丞生日 九月初八

日月俱陽節物新先期誰應菊花辰未於崧嶽生賢佐
且向柯山出異人月吐霜天鍾氣象江涵秋水聚精神
華堂獻壽人多少盡是明朝落帽賓

送劉方叔季文游雁山

二客騷腸不耐秋飄然蠟屐去尋幽蕩中若要窮青眼
巖下先須問白頭詩社不容添異姓名山應得遇清流
會須乘興天台去澗水桃花訪舊游

季文嘗有詩云醉鄉須待我詩社莫

添人

脩竹詠

我得家傳好此君剩栽千挺拂青雲塵埃不掃自然去
風月有餘誰可分萬籟蒼龍春後見滿軒鳴玉夜深聞

時時助我毫端興宜與江山共策勳

黃楊詠

兵火回頭二十年吾家此樹比青瑣兒時尚及見封植
亂後那知獨保全雖荷生成能蒼鬱不經剪拂豈團圓
主翁不忍加斤斧舊物於人最可憐

鄭丞生日

初九

九日人間氣象新鄭公家誕少康成玉山肌骨侵人瑩
秋水精神照坐明奕世簪纓真烜赫冲天頭角正崢嶸
願公此日身長健醉把茱萸泛壽觥

其二

賢關當日廁英游意氣軒軒壓輩流心授廣文真翰墨

家傳北海舊春秋棠陰惠愛畱三邑蓮幕聲名重一州
賓客盈門望推轂藍田松竹可能畱

縣學別同舍

蕭瑟秋聲起桂枝登臨誰賦送將歸伴人燈火情猶在
過眼烟雲事已非記取鑿鹽同冷落忍教襟袂遽分違
明朝一笑江山隔望斷日邊鴻雁飛

次韵曾尉易任青田畱別

曾名汪
字萬頃

梅仙樂教意尤勤絳帳煎膏至夜分心學盡傳隋董薛
詞章高壓漢卿雲誰知有力能攘我不許諸生久借君
駟馬重來定何日好看雙桂散清芬

曾嘗於縣
學植雙桂

淫雨

春雨無端苦浸淫滿天飛霧日光沉出門蒸潤濡衣重
歸路泥塗沒殷深欲與陽鳥開烈豔試呼風伯掃煩陰
明朝會見佳天氣只恐春歸無處尋

仰先生挽詞

文蔚字國華黃公度榜登科授政和簿未赴而卒

諸生衮衮登科第造物苦公真可憐身到蟾宮都幾日
名書鬼錄已經年數同子厚無如命才似韓公合在天
慎水諸生哭相向築場無計媿前賢

寄潘先生

先生聚徒明慶兩歲三遷近得懺院諸生粗安迹先
生猶無託宿之地寓榻於僧房院有一室頗佳主僧
扃鎖以待官客因作是詩

蕭蕭鬢髮老安仁才出人頭未免貧書劍一生長飭餉
鹽到處只酸辛招提夜永眠無室絳帳春寒坐乏茵
莫怪閣梨不具眼先生未見宰官身

次韵潘先生莫春感懷見寄

緬想長安覺夜長先生投老困文場幾吟白雪眠蕭寺
誰薦凌雲達未央鼠目麀頭多富貴兔葵燕麥自悲傷
感春情思如雲亂排悶題詩寄草堂

懷孫子尚

孫郎何事久無書又見青春柳拂渠千里阻山仍阻水
三年無雁亦無魚弟兄官况甯多好囊橐年來莫久虛
海角天涯兩形影別時長記涕漣如

懷姜渭叟兼簡謝守中用前韻

渭叟名大呂
守中名起

姜郎何事久無書令我青春最憶渠
別後又孤詩與酒怪來都斷雁并魚
守株身世俱非巧畫餅聲名總是虛
隔壁惠連無恙否池塘春草句何如

懷劉方叔兼簡全之用前韻

劉郎何事久無書夢裏頻頻却見渠
往事真同塞翁馬此身何異蠹書魚
嚴親白髮皆如許吾輩青春度莫虛
意氣飄飄姜溫叟凌雲詞賦壓相如

全之得
漕薦

予尚之往浙西也有別予詩云中原回首尚塵世
事徒驚日月新羈旅不堪頻作別壯懷雖在已甘貧
南來求友傳三益西去論心有幾人別後夢魂何處

是祗應來往慎江濱一別八年不通書已三載聞在
姑蘇甚無聊故思之渭叟嘗有懷僕詩云左原消息
杳無聞令我愁懷似亂雲多病廢詩兼廢酒青春孤
我亦孤君要同學問文章樂無奈東西南北分況是
一簷殘雨後落花飛絮兩紛紛與渭叟別又經年矣
故有孤詩酒之句庚申秋予敗舉欲廢經而用賦方
叔以詩見寄云須知失馬事莫廢獲麟書往事真同
塞翁馬蓋用方叔詩也三子皆豪邁有文采能歌詩
予辱與之交甚厚今具不在眼故各以詩見意時辛
酉季春也壬戌二月八日因錄舊稿遂跋于後

述懷

吾年三十百無堪世事如麻總未諳楊子家貧那嗜酒
盧仝丁白更添男回頭場屋心幾折混迹泥塗分固甘
賴有東臯遺業在剩栽桑柘教妻蠶

劉方叔昔書一絕于後云山北山南春雨足漠漠桑
桑秀如沃饌家荆婦幾時歸西疇獨自驅黃犢姜渭
叟見之謂二詩貧富氣象不同今二十三年矣予貧
乃甚於方叔也隆興改元十月書

夜雨述懷

夜深風雨撼庭芭喚起新愁似亂麻夢覺尚疑身是蝶
病蘇方悟影非蛇澆腸竹葉頻生暈照眼銀釭自結花
我在黃邨非逆旅不煩杜宇喚歸家

送元範赴省

清峭霜天振羽翰共觀一鶚氣軒軒願將柱腹書千卷
盡作憂時策萬言請繫單于同太傅不阿人主異公孫
龍頭素是君家物又見傳呼賈狀元

國朝賈黯賈安宅皆狀元

送劉政孫

蚤歲聲蜚舍法中漕臺前日始收功辛勤半世壘鹽學
慷慨平生畎畝忠作佛肯居靈運後登仙更與阮郎同
瓊林宴罷游天祿太乙然藜定照公

送劉全之

綵衣堂上別慈顏匹馬揚鞭指帝關千里清風生腋下
十分黃氣滿眉間手探春信尋梅去袖帶天香折桂還

定向蓬萊燕仙侶爲言子晉在江山

詠柳

東君於此最鍾情粧點村村入畫屏向我無言眉自展
與人非故眼猶青縈牽別恨絲千尺斷送春光絮一亭
葉底黃鸝音更好隔溪烟雨醉時聽

悼僧德芬

身着方袍十一年緇林頭角稍軒軒參禪早悟前三旨
學道思歸不二門花落絮飛浮世盡風清月白片心存
異時我作高僧傳爲記嚴公有此孫

芬乃寶印弟子
嚴闍梨法孫也

其二

妙齡瀟灑脫塵籠高揖禪林話苦空萬水千山新道眼

一瓶二鉢舊家風
圓鏡肇論能知趣
筆法詩章稍自工
圓澤精魂定何所
想隨流水到天童

悼禪法師

閣中高隱歲華深
龜鶴精神老不侵
寶劍妙傳驅鬼術
靈丹長有濟人心
彌明石鼎方聯句
洪景袈裟遽掩衾
借問青牛何處去
九天雲路杳難尋

宋彥才挽詞

德著吾鄉月旦評
坐園蕭散傲虛名
袍雖不奪詩尤妙
秋不曾悲賦自清
早掛儒冠知有命
晚憑貝葉悟無生
人間月落天池後
定向維摩頂上行

宋孺人挽詞

劉方叔
繼母

卷一百一十四
二
晚歲歸來奉伯鸞力將勤儉濟艱難鹿車共挽甘從鮑
熊膽親調欲慕韓鏡裏玉容猶未老夢中銀漏忽驚殘
通家賤子非房杜長記登門酒盡歡

李府君挽詞

利塗名路兩崎嶇甘向田園事陸沉一頃膏腴生計足
四時香火佛緣深築門東海于公意教子燕山竇老心
銜涕爲公銘隱德不緣諛墓欲黃金

陳景公挽詞

冠玉堂堂骨相奇起家消息露蒼龜齒牙不妄千金諾
度量難窺萬頃陂車轍過門多長者箕裘傳業有佳兒
西園新卜松楸地記得公顏向此怡

公園有怡亭今葬其止

其二

先子於公分頗深晚年出處恨商參雖脩北海通家好
未遂香山會老心盡道吉人俱未艾誰知凶計遽相尋
三年落盡思親淚今日登門又滿襟

太學寄夢齡昌齡弟

東望家山幾斷魂白雲飛盡路漫漫須知太學齏鹽味
不似親闈菽水歡事業未應孤鐵硯弟兄猶喜盡儒冠
行飛直待秋風便好作排空雁字看

丁卯秋赴鹿鳴宴次太守趙殿撰韵

食苹開燕副招求夢草詩成寵上流要得異才聯虎榜
亦容下客盜狐裘早脩慧業欽靈運妄贊麟經媿子游

刺史笑談風滿席定應吹拂到瀛洲

翁府君挽詞

子萬春壻劉鎮皆科第

場屋收功不在身蘭馨玉潤總奇人過庭詩禮家風變
袒腹門闌喜氣新華屋產芝雖美瑞白頭生齒誤青春
籃輿方起南游興無奈今年歲在辰

寄萬大年

九萬程遙共退飛江南竹葉後先歸儒冠到底輸紈袴
關吏還應笑布衣雖欠姓名聯桂籍不妨歡笑奉親闈
殷勤尊酒論文約却恨還鄉與願違

戊辰春與大年俱下第同歸至會稽

予復還學追補至秋還家

萬季梁和詩畱別再用前韵

三年燕雁不同飛一笑相逢慙遠歸
搜我肺腸茶著令予歸與諸友講茶令每會茶指一物爲題各舉故事不通者罰命季梁掌之
飲君文字酒淋漓
衣詩方唱和如仙館予昔招仙館與同舍結詩社近諸友亦多唱和
人遽飄零似省闡畢竟此心元不別祇應形影暫相違

將過萬橋用前韵寄大年先之

三年在阜不鳴飛側翅俱從舊路歸
師德量寬真耐事謂先
沈郎詩瘦不勝衣謂大年
都緣有職供甘旨可是無心戀闕
闡酒潑葡萄螯研雪定知此願不吾違

三月晦日與同舍送春於梅溪因誦賈閬仙詩云
三月更當三十日風光別我苦吟身
共君今夜不須睡未到曉鐘猶是春
時有二十八人遂以齒序

分韻

記得來時手自探預知今日思難堪樹頭綠暗鶯如訴
地上紅多蝶尚貪此夜鐘聲那忍聽明朝酒盞可能酣
却因送別還驚我老境如蠶已食三

夜泊蕭山酒醒夢覺月色滿船感而有作

候屆星虛午夜涼更堪停棹水中央短篷破處漏明月
歸夢斷時思故鄉客裏未忘詩酒趣老來厭逐利名場
明朝又向錢塘去十里西風桂子香

次韵昌齡游白石二詩

道岩東際白石二佳境也予未之見昌齡弟比嘗登
覽作二詩以寄模寫景物之奇蓋吾家摩詰二幅山

水圖也秋涼一訪之當按詩以游不必假圖經矣因
次韵見意

飛流噴沫下烟嵐肯使名同盜與貪莫訝來時多汨汨
定知止處却潭潭遙通雁蕩靈湫兩巍壓龍門巨浪三
好景不須摩詰畫盡歸詩客句中含

右東際

未窮脚力上層霄想象名山興亦高物外游人身插羽
洞中仙客體生毛利名犇走嗟吾老杖屨徜徉羨子豪
鳬鳥共游端有日預期木葉下亭臯

右道岩

再和二首

佛國飛來百尺嵐要將法水洗嗔貪仙人錯認蓬萊島
騷客羞談鉛錡潭觀盡豈須窮莫四悟來初不異前三
水有七際諸友始登莫將七際觀東際法界三千際際
其三以日暮而回舍

其二

少和丹就已登霄岩與仙風雨並高甚欲此身參鶴馭
尚嫌多事類牛毛雲間雞犬年猶永世上英雄意漫豪
堪羨北山山下客不緣射雉亦如臯

貧家連歲蠶荒今年尤甚妻孥有號寒之患每欲
以酒自寬酒惡竟不能醉拙於生事殊可笑也表
弟萬大年家蠶熟酒醇有足樂者因思舊詩有剝

栽桑柘教妻蠶句遂和以寄之

年踰四十尚何堪
愈老生涯愈不諳
何以代耕猶未仕
初無可樂誤爲男
號寒兒訝桑條沃
飲酒賓嫌蜜汁甘
堪羨通家萬公子
細君善釀更能蠶

大年和詩再用前韵

年少如君種種堪
文場世事兩俱諳
何憂晁錯不高第
未怕杜陵無好男
大年詩有未祿無男之歎
况有田園足耕養
好窮水陸奉肥甘
更須猛割閨房愛
來與荀卿共賦蠶

李棟和詩復用前韵

維摩老病思何堪
藥性從今却漸諳
掩卷正思眠丈室
論文俄喜遇奇男
共嗟世路羊腸險
剛怕人情鼠口甘

聳壑昂霄君未晚吾衰已是食三蠶

用前韵寄周光宗

炎凉世態可能堪肺腑唯蒙長者諳耐久敢忘三世好
同庚况有兩家男孟甲與光宗子同庚我嗟風樹徒悲苦君奉庭
闈備旨其他日相看兩黃髮願爲隣舍話田蠶

送李槻

梅始花時送子歸梅黃雨細又分離不堪旅食見飛燕
那更催歸聞子規太白讀書容有趣少卿惜別可無詩
霜臺清峭家風在努力功名少壯時

壬申中秋交朋解散不期而會者鄭生遜志憂生
伯虎因小飲玩月二子各以詩贈依韵酬之

鄭生襟宇絕纖埃夏子心希好學回誰遣吾人來破願
可能良夜不啣杯從來目罕中秋見那更尊無俗子陪
遙指桂枝因賀客文星近歲屬溫台
術士言文星近歲
正臨溫台鄭台人

其二

猶勝太白號三人又免韓公誚聚蚊薄有壺觴非獨酌
共將文字作清林天高雲散懸金餅風哨溪涼設嫩文
却恨鍾情未能遣愁腸終夜轉車輪

書小成室

萬言杯水北窗裏慷慨悲歌五夜長骨肉未知蘇季子
鄉間誰敬馬賓王爲人心盡同毛穎與世交游類孔方

每迹溪山可無眼蕭然一室任淒涼

萬叔永誕日在孟秋乃以重九開燕俟佳節也予
不獲與稱觴之列作詩以賀

種德尤勝竇十郎靈椿未老桂先芳一門此去無疑大
五福他年未易量鳳穴生雛梧正碧龍山開宴菊初黃
吾鄉此會從來少恨不登堂舉壽觴

前日寓邑偶值乍寒陳劉二生濟我以衣董生濟
我以衾旣別爲言詩以贈

肌體生鱗鬚颯毛衰年怯冷次見號無人來綻韓公襖
有友能施范叔袍入手乍驚儒袖濶披身尤喜義襟高
書生忍凍誰相願共敝輕裘賴我曹

右贈陳元佐劉士宗

凜冽霜風夜薄人誰能煖我曲勾身寒欺三幅范衾陋
睡美一宵姜被新體粟不愁生旅舍鼻雷想見撼比隣
夢回却念君兄弟苦塊無眠痛慕親

右贈董偉侃

寄夢齡昌齡弟

老去生涯集百憂一身萍泛剡溪頭釣魚溫水同侯喜
旅食新豐類馬周長鉞有時思海味短檠終夜照離愁
也知四海皆兄弟能似天生羽翼不

高和叔生日

高標綽有魯王風天爲勳門慶誕公揮麈笑談傾坐上

傳家韜畧蘊胸中暫從剡水高人隱行繼澶淵蓋世功
長願紅顏似今日壽尊鯨吸百川空

周光宗贈螭房報以溪萼

珠嶼螭房魁海錯左原萼線冠溪毛韓公南食可曾見
張翰東歸徒自高鼎俎珍庖飽肉食江湖佳味屬吾曹
有無相易通家事僮僕往來毋憚勞

劉府君挽詞

全之父

歆向詵然萃一門過庭詩禮盡公恩奇男不負義方教
舊治至今遺愛存心境欲明憑貝葉壽藏預十仞祇園
髯郎行燭青藜杖定見榮光達九泉

賤子無天釁早鍾記觀先友涕亡從士林方喜榮三桂
丞舍俄驚慘二松剡水淒涼回棹速丹艸慟哭過車凶
張揚門戶勝他族深羨公家有蔡邕

賈府君挽詞 予妻父

鹿岩重見鹿門翁襟宇渾然太古風負郭良田全種德
之家難弟已收功花間麟豕經年就木杪龜趺指日豐
門婿自慚非李漢鄙文何足狀韓公

陳夫人挽詞 予妻母

偉節聲名蓋一時夫人淑德最相宜便甘布素從高隱
不惜花鈿拯衆飢萱草未乾堂下土楊花已應夢中詩
如今多少王孫餓進食哀憐復有誰

賈公夢中嘗得詩云洞房人不見相

望摘
楊花

悼演述二老僧

疊石峰前二老僧相逢一笑見真情
社中對酒日初永
林下圍碁秋始清
尚擬維摩眠丈室
遽驚圓澤厭浮生
通幽亭冷西樓古
過客傷心涕淚橫

次韵昌齡西園卽事

世態蠅營已厭驅
小園初闢稱幽居
杯深轉覺利名薄
心靜更宜花木疎
窗几吟餘山色好
軒齋夢覺日華舒
尤憐不棄東園老
時復相從辨魯魚

夢齡得男老者喜甚湯餅會中出詩以賀

梅溪佳氣夜匆匆
果得奇兒應夢熊
湯餅笑歡良不淺

桑弧時節稍相同

子以十月二十八日生
猶子以二十九日生

喜將老眼看

猶子首出新詩賀乃翁從此吾門如謝傅芝蘭玉樹滿

庭中

梅花次賈元識韵

南枝昨夜暖先回壓盡群芳獨自開仙客風中飄素袂
玉妃月下試新裁未憑驛使殷勤寄首辱新詩特地來
明日雪晴須共賞爲花棹却飲千杯

歲暮雨雪連作稍阻會集賈元識有詩次韵

自從春色上孤根淫雨經時步不前愛日未能烘宿潤
愁雲依舊蔽青天溪山咫尺成千里棋酒因循又一年
今夕籃輿定相過尊前行樂興無邊

二道人以抹利及東山蘭爲贈再成一章

西域名花最孤潔東山芳友更清幽遠煩文室維摩詰
分韵小園王子猷入鼻頓除浮利盡同心端與國香侔
從今日講通家好詩往花來卒未休

抹利見佛經名義未究或云沒者無

也謂聞此花香者令人覺悟而好利之心沒故前作沒利此作抹利姑兩存之

覓海棠

壽昌文郁師植海棠二根于所居舫齋之旁予偶以
社日訪之啜茶旣罷開窗賞花時烟雨初霽奇葩正
芳嫣然在軒檻中殊有佳韻越五日作詩寄之且欲
覓一根種于小園中朝夕觀賞庶無忘高人雅致時
紹興乙亥

好事高人重海棠兩株分植舫齋旁恰當燕子來放
更向禪房深處芳道眼想應憐不俗痴人何苦恨無香
梅溪野叟曾經眼欲覓一根栽草堂

郁師贈海棠酬以前韻

珍重高人贈海棠殷勤封植敞廬旁固宜花裏稱名友
已向園中壓衆芳萬樹總含兒女態一根獨帶佛爐香
杜陵應恨未曾識空向成都結草堂

札上人許贈山丹花且云此花三月盡開俟藥成
移去至上巳日以詩索之

人間花木眼曾經未識茲花狀與名丹却青山暮春色
續他紅樹墮時英梅溪野老栽成癖蓮社高人諾不輕

小小園林綠將暗
早移芳藥看敷榮

族兄文通贈山茶

野性無端喜種花
吾兄得得贈山茶
鶯聲老後移雖晚
四月始栽鶴頂丹時看始嘉
雨葉鱗鱗成小蓋
春枝艷艷首群葩
自慚欲報無瓊玖
來往同看本一家

張廷直挽詞

意氣軒昂蓋一時
牀頭周易造深幾
芹芳泮水聲蜚早
花滿河陽迹到稀
方外客攜因果去
道旁人汲義泉歸
柳川池館規模壯
一夕花妖世已非

法燈俊上人惠杜鵑花

杜鵑嘉樹狀非常
久向緇林壓衆芳
春去尚疑啼蜀魄

客來還錯認丁香

比與諸公同游法燈有錯認此花爲丁香者

高人好事栽

蓮社野叟移根植草堂習氣未除端自笑賞花銜惠意
難忘

法燈聞上人和杜鵑詩酬以前韵

道眼相看頗異常遙遙蓮社有遺芳兩篇詩好無蔬氣
四季花然帶佛香杖錫何時離竹徑尋山莫惜訪槐堂
小園花疏煩題注詩往花來未可忘

孫先覺母夫人正月四日生時年八十

丙子

莫開四莢瑞新春瓦弄幽閨應此辰蛇虺夢中祥女子
鳳凰占裏吉佳人平生不負三從義老去兼全五福身
他日奇兒亦黃髮捧觴猶得壽慈親

明慶懺院上方地爽而幽蓋精藍之勝也予因會友託迹於其間一日探囊中得石刻詩一本乃王瞻叔國博先生題台人秀野堂也摹寫景物頗類於此因置之壁間意有感觸遂借其韵二月二十五日下帷精舍遠塵繁境靜心清事不關案上忘機有黃卷眼中得趣是青山林泉欲共高僧老事業未容吾輩閑準擬他年掛冠後飄然杖屨白雲間

次濟上人韵

老來未厭短檠光又集青衿就故鄉却荷道人能具眼不同時輩有他腸心傳潛澗源流別首出新詩意味長我亦筆頭爲佛事未應中國異西方

陳希仲贈山茶

都勝名花入小園群芳無復敢爭妍
童童翠蓋藏春色艷艷繁燈照雪天
青蘂似開吾輩眼高標不染俗流錢
此花端有歲寒意好賦甘棠蔽芾篇

酴醾次賈元節韻

春山杜宇喚人歸歸見酴醾滿架垂
葉底半開千朶白鬢邊斜插一枝奇
園林綠樹成陰後亭院青春欲老時
把酒對花歌數闋濡毫更和鹿岩詩

月上人以拳石植海松蒔菖陽於四際
蒼姿秀色鍾清氣于几案間以爲梅溪之野人贈兼惠詩章
因與酬唱凡四首

卷之二十四
三
蒼蒼千尺大夫松不似湖嵌植小龍枕水一拳形峯偉
凌雲三幹色尤茸玉衡星化姿兼茂蓮社詩高席可重
乞與書窗端不惡蕭然如對德人容

其二

處士何須種七松
賸栽海上綠髯龍
靈根頻灌蒼如玉
黛色初抽軟似茸
臨水小山形鑿鑿
引年昌歎節重重
道人分得歲寒種
一洗梅溪憔悴容

其三

禪杖西游覩萬松
歸栽九節伴蒼龍
何須偃蓋藏龜甲
自可延年勝鹿茸
贊老房幽看更好
晝公詩險和難重
爲師旦旦加澆濯
不遣塵埃上綠容

其四

澗毛纖細蔭青松會見成仙與化龍
孤嶼多一莖九節異香茸
海松美師得句侵澄觀顧我談經
媿叔重明日還家帶滄海園林小小可能容

懺院種紅蕉用寶印叔韵

新植靈根續蕙蘭緇林佳處占清閑
濃綠疑從帝所頒正色可曾娛俗眼
晚英猶足慰衰顏
宅年解組歸三徑多種青青滿故山

宋王忠文公文集第三十四卷終

封 底